

საქართველოს გარემოს დაცვისა და სოფლის მეურნეობის სამინისტროს გარემოსდაცვითი შეფასების დეპარტამენტს


გაცნობებთ რომ, საქართველოს გარემოს დაცვისა და სოფლის მეურნეობის მინისტრის 2021 წლის 10 თებერვლის N2-196 ბრძანებით გაიცა სკრინინგის გადაწყვეტილება კასპის მუნიციპალიტეტში, სოფ. იგოეთში შპს „მარკ გრუპის“ ცემენტის საწარმოს მოწყობასა და ექსპლუატაციაზე, რომლის თანახმად დაგეგმილი საქმიანობა დაექვემდებარა გარემოზე ზემოქმედების შეფასებას, რის შემდგომ სკოპინგის დასკვნის მიღების მიზნით საქართველოს გარემოს დაცვისა და სოფლის მეურნეობის სამინისტროში შპს „მარკ გრუპის“ მიერ წარდგენილი იქნა კასპის მუნიციპალიტეტში, სოფ. იგოეთში ცემენტის საწარმოს მოწყობისა და ექსპლუატაციის სკოპინგის ანგარიში. საქართველოს გარემოს დაცვისა და სოფლის მეურნეობის სამინისტროს მიერ სკოპინგის დასკვნა № 28-ით განსაზღვრული იქნა „გარემოსდაცვითი შეფასების კოდექსის“-ის შესაბამისი მუხლებით გათვალისწინებული გზშ-ის ანგარიშის მომზადებისთვის საჭირო კვლევების, მოსაპოვებელი და შესასწავლი ინფორმაციის ჩამონათვალი, ასევე გზშ-ის პროცესში დეტალურად შესწავლილი ზემოქმედებები და შესაბამისი შემცირების/შერბილების ღონისძიებები.

საწარმოს ხელმძღვანელობის მიერ სკოპინგის დასკვნის ანალიზის შედეგად გამოვლენილი იქნა ზოგიერთი ისეთი სახის გარემოება, რომელთა გადაწყვეტა არსებული ტექნოლოგიის პირობებში არც თუ ისე მარტივი იქნება, რაც ძირითადად ეხება ატმოსფერულ ჰაერში მავნე ნივთიერებების ემისიას (უახლოესი საცხოვრებელი სახლის მდებარეობის გათვალისწინებით), ასევე ხმაურის გავრცელებას სამუშაო ზონასა და უახლოესი მოსახლის საზღვარზე და სხვა, ამიტომ საწარმოს მიერ აღნიშნული პრობლემების გადაჭრის მიმართულებით შემუშავებული იქნა ცვლილებები ტექნოლოგიურ ციკლში.

აღნიშნული გარემოებებიდან გამომდინარე, ვწყვეტ დაწყებული საქმის წარმოებას და დაგეგმილი საქმიანობის ტექნოლოგიური ციკლის ცვლილებების გათვალისწინებით, გარემოსდაცვითი შეფასების კოდექსის, დანართი 2/5-ის შესაბამისად, გზშ-ის საჭიროების დადგენის მიზნით წარმოგიდგენთ კასპის მუნიციპალიტეტის სოფ. იგოეთში ცემენტის მწარმოებელი საწარმოს მოწყობისა და ექსპლუატაციის სკრინინგის ანგარიშს, ზემოთ აღნიშნული ცვლილებების გათვალისწინებით.

პატივისცემით,

დირექტორი:



/გ. ლელაშვილი/

